



NGO & Business Audit d.o.o.
Adresa: Trg Heroja 10, 71 000 Sarajevo BiH
Telefon/Fax: +387 33 522 679
Email: ngo@bih.net.ba
Website: www.ngoba.ba
PDV: 200804420006 **ID:** 4200804420006
Transakcijski računi: 199-499-0030546965

IZVJEŠTAJ O TRANSPARENTNOSTI

NGO AND BUSINESS AUDIT d.o.o. Sarajevo
za period 01.01. - 31.12.2025. godine

Sarajevo, april 2026.

UVOD

U skladu sa zahtjevima Zakona o računovodstvu i reviziji u Federaciji Bosne i Hercegovine (Sl. novine FBiH br. 15/21), društvo za reviziju NGO AND BUSINESS AUDIT d.o.o. Sarajevo iz Sarajeva objavljuje Izvještaj o transparentnosti za 2025. godinu sa sljedećim sadržajem:

1. O revizorskom društvu
2. Opis sistema interne kontrole kvaliteta
3. Izvršena eksterna kontrola kvaliteta
4. Revizija kod subjekata od javnog interesa
5. Izjava o nezavisnosti revizorskog društva
6. Finansijske informacije o poslovanju
7. Primanja ovlaštenih revizora

1. O REVIZORSKOM DRUŠTVU

Društvo za reviziju i konsalting usluge **NGO and Business Audit d.o.o.** Sarajevo je osnovano 2003. godine u Sarajevu. Sjedište društva je na adresi Trg Heroja 10, 71000 Sarajevo. Osnovna djelatnost društva je obavljanje revizije organizacija iz nevladinog sektora kao i svih drugih pravnih lica.

NGO and Business Audit d.o.o. tim posjeduje bogato iskustvo u radu sa organizacijama civilnog društva, lokalnim i međunarodnim, projektima koje su finansirali međunarodni donatori u BiH i regiji, kao i u radu sa drugim pravnim licima u BiH.

Društvo ima dugogodišnju uspješnu saradnju sa svim međunarodnim donatorima koji finansiraju implementaciju projekata u BiH i u regionu.

Osnivač i direktor društva je Ismeta Čardaković dipl. ecc., bez ograničenja u obimu ovlaštenja u pravnom prometu i ovlašteni revizor I ovlašteni revizor.

Društvo je ima 4 stalno zaposlena radnika, 4 sa visokom stručnom spremom . Dva zaposlenika imaju licencu ovlašćenog revizora (Ismeta Čardaković, broj licence 3090515226 i Šejla Jakupović, broj licence: 3090060231, jedan radnik posjeduje licencu certifikovanog računovođe i internog revizora.

Društvo je upisano u registar poslovnih subjekata Općinskog suda u Sarajevu (Br. 1-24089 , od 27.03.2003.), registar revizorskih društava Ministarstva finansija FBiH (RBL 9090409104), registar članstva Revizorske komore FBiH (MBR 100000380). Društvo ne pripada grupi revizorskih društava i nije član bilo koje revizorske mreže.

2. OPIS SISTEMA INTERNE KONTROLE KVALITETA

Sistem interne kontrole uspostavljen je kao kombinacija metodologije kontrole kvaliteta i internih specifičnosti koje su pri tome uvažene. U skladu sa Međunarodnim standardima kontrole kvaliteta, Međunarodnim revizijskim standardima i Kodeksom etike profesionalnih računovođa i revizora, uspostavili smo sistem kontrole kvaliteta na način da pruži razumno uvjerenje da društvo i zaposlenici posluju i ponašaju se u skladu sa profesionalnim standardima, standardima struke i relevantnim zakonskim propisima.

Osnovi principi koji definišu sistem kontrole kvaliteta u društvu su:

- Upravljanje kvalitetom

Naša uprava se zalaže i poduzima sve radnje koje su potrebne da se osiguraju: kvalitet u obavljenim angažmanima, te nezavisnost, objektivnost i etičko ponašanje angažovanog osoblja. Zaposlenici se na redovnoj osnovi upoznaju sa važećim propisima i povezanim smjernicama koje služe kao pomoć u pružanju kvalitetne usluge našim klijentima. Ovim postupcima želimo u svakoj prilici potencirati važnost održavanja standarda kvalitete na svakodnevnom nivou.

- Ispunjavanje etičkih zahtjeva

Poslovni uspjeh revizorskog društva direktno ovisi o profesionalnosti i integritetu uprave i svih zaposlenika. Zaposlenici društva su dužni poštovati etičke zahtjeve u skladu sa relevantnim revizorskim standardima. Navedeni propisi zahtijevaju da naši zaposlenici postupaju s integritetom, objektivnošću, kompetentno i s dužnom pažnjom u svakom angažmanu, te da poštuju povjerljivost stečenih informacija kod klijenata i da se ponašaju profesionalno u svim aspektima angažmana. Zaposlenici prilikom zapošljavanja u našem društvu obavezno potpisuju Izjavu o tajnosti i povjerljivosti informacija stečenih pružanjem usluga kod naših klijenata.

- Prihvatanje i zadržavanje klijenata

Društvo implementira postupak prihvatanja i zadržavanja odnosa s klijentima, gdje je polazna tačka prikupljanje dovoljno odgovarajućih informacija o klijentu prije donošenja odluke o prihvatanju odnosno nastavku saradnje sa klijentom. Kad su u pitanju novi klijenti, društvo prihvata angažman nakon što se uvjeri u pouzdanost i valjanost klijenta i utvrdi da posjeduje sve potrebne finansijske i tehničke preduslove za pružanje kvalitetne usluge klijentu. Kada su u pitanju postojeći klijenti odnosno nastavak saradnje, vrši se ponovna procjena klijenta prije sklapanja novih ugovora. Odgovorna osoba vrši procjenu klijenta tj. pribavlja informacije koje uključuju upravljačku strukturu i vlasništvo, vrstu poslovanja te ostale informacije koje omogućavaju prepoznavanje rizika na osnovu kojih se odlučuje o eventualnom angažmanu. Ova procjena uključuje i procjenu sposobnosti društva vezano uz raspoloživost kompetentnog osoblja/revizora u svrhu kvalitetnog obavljanja usluga koje su predmet potencijalnog angažmana.

- Upravljanje ljudskim resursima

Upravljanje ljudskim resursima baziramo na tri osnovna procesa: zapošljavanje kompetentnog osoblja, profesionalni razvoj odnosno održavanje kompetencija i nadzor nad osobljem tj. kvalitetno usmjeravanje.

Zapošljavanje kompetentnog osoblja: Kvaliteta obavljenih revizijskih angažmana je direktno ovisna o kvaliteti osoblja koje zapošljavamo. Stoga je društvo uspostavilo odgovarajuće politike i postupke zapošljavanja koje obezbjeđuju osoblje sa sposobnostima, kompetencijama i privrženošću etičkim načelima potrebnim za obavljanje ugovorenih angažmana, u skladu sa standardima profesije i zahtjevima regulativnog i zakonodavnog tijela;

Profesionalni razvoj (održavanje kompetencija): Koncipirano je na načelima cjeloživotnog učenja i „napredovanja da bi se održali u mjestu“. Ovlašteni revizori ispunjavaju normu sati specijalističke i profesionalne obuke organiziranih od strane Revizorske komore odnosno specijaliziranih konsultantskih kuća sa odobrenjem SRRFBiH. Asistenti revizora se uslovljavaju i stimuliraju u smjeru stjecanja profesionalnih zvanja u okviru struke: certificirani računovođa i ovlašteni revizor. Redovno se pretplaćujemo na stručne publikacije, a osoblje aktivno razmjenjuje novostečena profesionalna znanja i iskustva;

Nadzor nad osobljem (kvalitetno usmjeravanje): Ovlašteni revizori vrše kontinuirani nadzor nad ostalim angažiranim osobljem (asistentima revizora) u svim fazama revizije, te obavljaju konačni pregled rada manje iskusnih uposlenika kojima je određen posao delegiran;

- Efikasno i efektivno obavljanje revizije

Prije početka angažmana, ovlaštenu revizor informira članove tima o klijentu, cilju angažmana i pojedinačnim zadacima svakog člana tima. Svi članovi tima moraju razumjeti zadatke koje trebaju izvršiti. Naglašava se važnost timskog rada na način da članovi tima moraju raditi konzistentno i dosljedno općem cilju angažmana.

Članovi tima trebaju razmjenjivati informacije, te svoje djelovanje prilagođavati djelovanju drugih članova u svrhu postizanja zajedničkog cilja. Članovi tima moraju u određenim pitanjima konsultirati druge članove tima i partnere te razmjenjivati profesionalna mišljenja o određenim pitanjima.

Ukoliko se tokom angažmana pojave razlike u mišljenjima između pojedinih članova tima, ta se pitanja trebaju raspraviti na sastanku svih članova tima i uskladiti stajališta. Ukoliko je potrebno, u razrješavanju razlika bit će angažiran ovlaštenu revizor – partner. Izvještaj se ne može zaključiti i izdati prije nego li su razriješene sve razlike u stavovima.

Osim gore navedenog, sistem interne kontrole uspostavljen je na način da zadovolji pravila i standarde koje izdaje Revizorska komora FBiH, kao nadležno strukovno tijelo, poštujući Pravilnik o minimalnom sadržaju radne dokumentacije.

3. IZVRŠENA EKSTERNA KONTROLA KVALITETA

U martu 2026. godine društvo je Revizorskoj komori FBiH dostavilo popunjen Godišnji upitnik za izvještajnu 2025. godinu, koji je koncipiran na način da pruži :

- opće informacije o društvu, kao što su vlasnička struktura, upravljačka struktura, broj i struktura zaposlenih,
- informacije o povezanim licima,
- informacije o polisi osiguranja i načinu izračunavanja premije,
- informacije o broju zaključenih ugovora o reviziji u toku perioda,
- informacije o broju i strukturi izvršenih revizija u izvještajnom period,
- informacije o broju izvještaja koje je potpisao svaki od ovlaštenih revizora,
- informacije o subjektima od javnog interesa koji su bili predmet revizije informacije o strukturi ostvarenih prihoda itd.

4. REVIZIJA KOD SUBJEKATA OD JAVNOG INTERESA

U skladu sa Zakonom o računovodstvu i reviziji FBiH (Službene novine FBiH, broj 15/21) subjektima od javnog interesa smatraju se:

- sva pravna lica čijim se vrijednosnim papirima trguje na organizovanom tržištu vrijednosnih papira, banke, mikrokreditna društva, društva za osiguranje i reosiguranje, društva za faktoring, lizing društva, društva za upravljanje investicijskim fondovima, društva za upravljanje dobrovoljnim penzijskim fondovima, brokersko dilerska društva i druge finansijske organizacije, -
- javna preduzeća osnovana u skladu sa propisima kojima se uređuje poslovanje i upravljanje javnim preduzećima u Federaciji Bosne i Hercegovine,

- sva pravna lica od posebnog značaja za Federaciju u skladu sa propisima o vršenju ovlaštenja u privrednim društvima sa učešćem državnog kapitala,
- organizacije i javne ustanove koje nisu obuhvaćene okvirom revizije utvrđenim propisom o reviziji institucija u Federaciji

U 2025. godini obavljena je revizija kod sljedećeg subjekta od javnog interesa:

- **JP Veterinarska stanica Goražde**

5. IZJAVA O NEZAVISNOSTI REVIZORSKOG DRUŠTVA

Svi zaposlenici društva prate regulatorne i stručne zahtjeve u vezi sa nezavisnošću. Kontinuirano se ispituju sva pitanja s obzirom na prihvaćanje i zadržavanje klijenata. U skladu sa Kodeksom profesionalne etike revizora i odredbama Zakona o računovodstvu i reviziji FBiH, djelatnici društva u cijelosti poštuju standarde nezavisnosti u cilju izbjegavanja sukoba interesa koji bi mogli uticati na integritet, objektivnost i nepristrasnost u pružanju usluga klijentima revizorskog društva.

6. FINANSIJSKE INFORMACIJE O POSLOVANJU U 2025. GODINI

U izvještajnom period 01.01.-31.12.2025. godine, ostvareni su prihodi iz ugovora s kupcima (poslovni prihodi) u ukupnom iznosu od 202.548, od čega:

- | | |
|--------------------------------------|-------------|
| - Prihod od revizijskih usluga | 120.222 KM, |
| - Prihod od ostalih usuga | 79.902 KM, |
| - Ostali prihodi društva za reviziju | 2.424 KM. |

7. PRIMANJA OVLAŠTENIH REVIZORA

Primanja ovlaštenih revizora su regulisana zaključenim ugovorima o radu i internim aktima revizorskog društva o materijalnim pravima zaposlenih. Jednom ovlaštenom revizoru, koji je ujedno i nosilac upravljačkih prava kod društva, isplaćuje se i dividenda po osnovu 100% vlasništva nad udjelima društva sa ograničenom odgovornošću.

Sarajevo, 27.04.2026. godine

NGO and Business Audit d.o.o. Sarajevo

J. Čardaković

Ismeta Čardaković, Direktor

Ovlašteni revizor

